

LAVRENTII BELI
IVRISCONSULTI ROMANI

INTERPRETATIO.

IN L. II. C. DE SACR. SANC. ECC.

ET IN C. NULLVS MORTVVS. XIII. Q. II.

Eiusdem opusculum de Mortuis
coemeterio restituendis.



178 N.



B R I X I A E.
Apud Damianum Turlinum.
M D L X I I.

LAVRENTII BELI IVRISCON

SULTI ROMANI INTERPRETATIO

IN .L.II.C. DE SACR. SANCT.

ECCLESIIIS.

IMPPP. *Gratianus, & Valentianus, & Theodosius*

Augg. Pancratio Præfecto Urbis.

**Nemo Apostolorum, vel Martyrum sedem humanis
corporibus existimet esse concessam.**



FACTURVS legis huius interpretationem, ne
cessarium arbitror ab eorum disputatione ini-
tium sumere, quæ ad sensum ipsius enuclean-
dum conferunt, ne ad cætera properans, ope-
ram perdam ceu fundamento non iacto mu-
ros ducens. Quam in re mihi certè laborandum
nō esset, si paulò castigatior ederetur Iustinianus codex: Opi-
nor equidem libratorum incuria quartam elementorum li-
teram humanis deesse: adeo vt legendum sit humanis: vix
enim credendum est legislatores, quos oportet certam pla-
nam & dilucidam legem condere, * quo id ab omnibus intel-
ligatur, cui omnes parere coguntur ita locutos, vt eorum sen-
tentiam homines quoq; iuris peritissimi percipere nequie-
rint, si verum est eius, quod multifariam exponitur, verita-
tem ignorari: * Cæterum quia huic opinioni refragatur vul-
garis lectio, sciendum est huiusmodi sanctionem vsq; eò tor-
sisse nostros interpretes, vt omnes propemodū (vnum enim
aut alterum excipio) vno quidem ore quatuor & varios in-
tellectus iuculcauerint. Quorum est vnus laicis (vtar eorum
verbo licet hi Budeo teste, * prophani sint vocandi) interdici
sacerdotum choro hymnos canentium: præsertim ne obstre-
pentes fortè sint illis impedimento: Quam interpretationem
tantum abest vt ego laudem, vt vitio esse dandam existimè:
nanque si accipitur hîc, sedes, pro tota Ecclesia vt in sequen-
tibus ostendam (sumam autem ferè semper Ecclesiam pro lo-
co, vbi sacra facere fas est, ita vt cœmeterium contiguum ex-
cludam) non illo tantum choro, verum cæteris quoq; tem-
pli partibus extruderentur laici: sin autem concedamus poni

supra bono &
bono, sup. d. ius
p. d. d. d. d.
sup. d. d. d. d.
sup. d. d. d. d.

.c. erit autem leg
dist. 4.

Bal. l. scire leges
ff. de leg.

Bud. l. i. §. exem-
pli. ff. de Aedific
dict.